

如臣庸愚決不可一日冒處故前日將懇迫之情力辭者非一再而未蒙允許至於致仕之時上箋懇辭亦未蒙允反有賜几杖之命驚惶罔措悶默而退到今年齡漸加氣力已衰精神亦耗尤不可仍忝重地伏願命適知經筵事以重名器再啓不允○夜異方坤方如火氣○京畿朔寧衿川交河豐德高陽金浦兩雹

已酉上御夕講○憲府啓曰今日備邊司之啓李元祐李璣趙述唐

彥弼鄭應奎

皆武夫

時方罷職而付軍職使之治裝待令此雖出於

先事之慮而其於懲有罪嚴罷法之義大有所妨焉况元祐等既已被抄設有事變臨時收用亦為未晚何必汲汲付祿叙至五人之多乎且其中重被顯駁見罷未久者亦多有之物論極為未便請勿叙答曰李元祐等事備邊司議大臣定之當更議處之○傳于政院曰李元祐等事雖為邊事而叙之憲府之論如此重被顯駁者汲汲付軍職物議必以為未便故也三公領府事兵曹備邊司更議以啓事招兵郎言之